

涿州風土記

歙朱穎著



物產

涿州風土記第二十一

物產之有無所多所寡往往涉千里數百里而稍益區分一州一縣不能自爲同異其爲一州所專擅者涿州獨有一井泉石列於蘇頌本草圖經云出涿州城西廿里之劇村今亦無有其餘則幽并燕趙常山信都所產涿州在其域分宜亦同有非可私據至如涿州之桃饒陽之紬安平之絹皆一境獨勝如此比者不能多也大氏樹菽各視土壤所宜而工作由其習俗深舊廣烏之地州土二等白爲上黑次之饒陽略與州等武強剛黑安平白墳其大較也每瘠沲過而賓闕則土爲之一變故無數十年沃瘠不互

記二十一

物產

易者河所過大率沙壅土疏五稼不入則材木果蔬之利興焉異時饒陽安平出絲絹近皆無桑而絲絹不減於故以織作各有師承也其絲多售自涿州昔朱滔欲取涿州得絲纒以寬幽州賦率涿州有絲舊矣今州之西鄙諸村蠶桑利最饒所獲歲可十餘萬金饒陽紬本不多若安平之絹往時但用爲篩底近則遠販海外利旣倍蓰居人行賈天津與五洲商旅交游見聞漸廣亦淪智之一助也州所屬地往時棉布流行塞外近則英美日本各國之布用機器織造者幅寬而價廉吾國布利盡爲兼并種棉之地日少光緒十許年後花生之利始興其物遠行閩粵外國

購之用機器榨油轉售中國取利以此種者沾其贏餘相習益多亦頗自榨為油以便民用其歲入過於種穀此近年新獲之田利前古無有太行以西南漸曹毫徐泗往往種鷲粟取利旁近數百里間頗染其俗州獨無是覽者可即一州物產興衰占世變焉州舊志所記諸物大氏本之真定府志自明以來遞有增損雖未翔實要不可廢棄粗為考正而存之不知則闕武強盡取之州志其稍異者或州縣互有奪誤其大體無別安平修志在未隸深州時饒陽志修於乾隆州志之前二縣所載視州為約覈矣其羽毛二類與州略同安平之紀昆蟲則全與州合以此見舊

記二十一

物產

二

志故有本也雍正州志無昆蟲豈乾隆志取安平志以入之邪今武強異者饒陽安平有者皆埶箸於篇博物君子習於此土踵而明之亦庶幾古者士訓詔地事之遺悞乎

穀之類今案雍正州志乃康熙志之舊物產有箋釋風俗有引證今併採入

粟雍正志有黃白赤三種武強無饒陽改黑為青謂龍爪即稭子土名稭子今案饒陽志以黑為青是也國志烏桓

宜青稭郝蘭皋云青稭即黑黍之異名龍爪粟即稭子說本李時珍李分稭稭為二弓汝恆曰龍爪粟非稭子稭即稭也李說並誤安平稭今案蘇

云北人謂稭為黃米亦謂黃糯安平志以稭為粟先鄭周官鍾氏注以丹稭為赤粟是安平志所本然未審也粟者穀實之大名

其專文則古者謂稷為粟左傳疏引犍為舍人說稷粟也鄭周官甸師注云穀者稷為長倉人注云九穀以粟為主是粟之為稷乃漢人舊說自陶宏景集名鑿別錄乃區粟

稷爲二陶生南人於北方穀種未能目驗遂啟陸德明之疑而導蘇恭之誤陸說相承云稷粟也本草稷米在下品別有粟米在中品又似二物陸所稱本草乃別錄也蘇恭本草注以稷爲稷是後並依蘇說惟程易疇九穀考謂粟爲梁而用元人吳瑞之說以高粱爲稷余未敢深信說具左方

高粱

雍正志蜀秫有黃白赤三種乾隆志黃白赤黑

饒陽

有

安平

梁今案安平志以高粱爲梁非是九穀考以粟爲梁亦非

高粱於古無考始見廣雅謂之藿梁謂之木稷博物志謂之蜀黍云地節三年種蜀黍其後七年多蛇如志斯言是地節三年中國始種此穀故以蛇怪歸之此乃少見多怪

記二十一

物產

三

之習俗若自古已有何爲紀其種年并著七年後多蛇之異乎舊說謂種來自蜀故名蜀黍蜀雖秦世已通至漢武時乃有司馬相如之徒游學上國故宣帝時始有穀種流傳中土程氏訓蜀爲大引爾雅雞大者蜀蜀葵戎葵爲證爾雅漢人之書其文在蜀物流入之後其云蜀雞猶荆雞越雞之比以蜀爲西戎舊壤故謂蜀葵爲戎葵此本不必傳會戎大之訓以戎爲大猶可言也若蜀則古訓絕無大義即使有之蜀黍乃漢魏之物亦不得名以三代古訓之字爾雅釋文云黑黍或曰今蜀黍陸作釋文時蜀黍尙加今字其非古有是物甚明程謂叩之蜀人彼土不食高粱

諸州物產今昔不同者多矣。自白虎通許鄭諸儒均謂稷爲五穀之長，若高粱則至今以爲麓賤下品，豈得爲長古名。農官爲稷，黍盛主稷爲文，何爲舍貴種而取下品。說文於黍謂可爲酒，高粱今人專用釀酒，若果是稷，許何以不稱其可釀。程說無一足據。世儒顧宗信之，郝氏爾雅義疏頗心非之，但既以稷爲小米，又謂稷兼高粱，仍模稜之見。陸稼書靈壽志以粟中穗如狗尾草者爲梁，恐無確據。梁稷麥是一類，凡呂覽淮南秦漢舊書言禾不言梁稷者，以禾兼梁稷也。言稷不言梁者，以梁稷同物也。言粟不言稷者，以粟稷異名同實也。程氏謂秦漢以來皆溷稷梁爲

記二十一

物產

四

一。余謂此當依秦漢諸書以定梁稷之名，不得謂穀名自秦漢時已誤。程氏盡排舊書而獨宗許鄭，余謂許鄭并同舊說，無扞解也。汜勝之種殖書爲鄭君所重，其云梁是秫，粟決非不知而強言三倉云梁是好粟，三倉合李斯蒼頡楊雄訓纂諸書爲之，亦必無妄說。郝氏爾雅義疏謂稷之精者爲梁，梁亦大名，其說甚當。愚謂梁有二等，其一秫粟，其一好粟。說文梁米名也，舉大名爲文而申其義於稷云。秫稷之黏者，此以秫爲梁也。先鄭及汜勝之以秫列九穀後，鄭改秫稱梁，以梁卽秫也。許鄭不言秫，梁同異者以時人通知不煩解說也。此汜書秫粟爲梁之說也。孟子云膏

梁蔡澤云持梁齒肥左氏傳稱梁則無矣麓則有之是皆以精好爲梁王逸說楚詞菰梁以梁爲菰米之美稱蓋緣梁本粟之美者而生此訓此三倉好粟爲梁之說也內則飯黍稷稻粱白黍黃粱所謂粱卽好粟也所謂黃粱卽秬粟也粟之白者不黏此亦下走得之目驗者至內則云粱秬唯所欲則又以黏稻爲秬言各有當也秬粱旣爲一物粱稷并非兩類諸經粱稷并列猶賈讓言故種禾黍更爲秬稻非稻外別有秬魏都賦言水樹稷秬非秬外別有稷禮經簠簋有粱有稷則黏與不黏二種并設所以貴多品耳若韋昭國語注云稷粱也粱乃黍之誤字不得據傳寫

記二十一

物產

五

誤本爲口實陶氏別錄於稷外別列黃粱白粱青粱之名而蘇恭又詳辨其穗粒長短大小圓扁收早晚之異似皆目驗可信又蘇恭謂青粱收薄味短人少種之蘇頌謂今種蒔皆白粱而青黃稀有因其損地力而收穫少也寇宗奭云黃粱白粱西洛農家多種然其粒尖小於他穀收實少故能種者亦稀以三說考之是三粱民皆稀種安知非昔有粱之一種而後以稀種而失之乎然可決其無是者以漢人絕未言及而陶於粟外列稷蘇恭以稷爲稌蘇頌以不黏者爲黍彼等於諸穀實多未了其言固不足深據也

黍

二志并云白黑赤

饒陽

增黃今案內則言黍稷稻粱白黍黃梁鄭君注黍黃黍也饒陽志增黃甚當

安平

有蘇恭謂稌

卽稷程氏謂稌卽黃黍內則直呼曰黍不得冒稷其說是

矣至謂蘇強分黍爲二穀則尙未盡允以稌爲稷乃蘇恭

創說前古無有故不足憑若漢人之說梁稷亦分一穀爲

二其可信者則從古皆無異說彼固有所受之也

稌一名麩周官土訓

注云幽并地宜麻釋文麻一作麩程易疇九穀考云麩必麩字之誤是也

稷

二志并云白黑赤

饒陽

增黃改赤爲紫云土名糜子今案說文糜稌互訓糜稱甚古非土名但不是稷高誘云糜謂之緊緊音牽今無緊稱

安平

今案舊志有粟復有稷饒陽志以爲糜子皆依蘇恭謂

稌爲稷蓋自陶宏景以後梁稷二穀始誤程氏至謂呂覽

淮南已誤則是過論其信吳瑞以高粱爲稷尤爲無據今

記二十一

物產

六

定粟卽稷上已有粟此稷宜從刊落漢書平當傳如淳注

引律稻米一斗得酒一斗爲上尊稷米一斗得酒一斗爲

中尊粟米一斗得酒一斗爲下尊似以粟稷爲二然顏籀

以中尊之稷爲黍之誤其說至是內則明有稻醴黍醴梁

醴可爲礪證黍之可爲酒說文旣明箸之安得上中下三

尊反無黍酒乎周制卣爲中尊洛誥秬鬯二卣文侯之命

秬鬯一卣秬鬯黍酒也中尊用黍酒自周已然漢豈獨改

中尊不用黍酒故知此稷決爲誤字也

麥

雍正志大麥有芒無芒二種小麥赤白二種春麥夏熟乾隆志增秋麥

饒陽

有春秋二種

安平

大

本草

二麥外又有穉麥蕭炳云大麥之類山東河北人正月種

之名春穰狀與大麥相似

蕎麥 雍正志夏種秋熟 饒陽有安平有 王禎農書云北人多種之

芝麻 雍正志上田 饒陽 脂麻 今案寇宗奭本草 乾隆志白黑 陶云本生大宛

故名胡麻八穀之中惟此為良今案陶注稷米下說八穀引董仲舒云麻是胡麻董已用胡麻說八穀中之麻則非

來自大宛

豆 雍正志別立菽類首黑豆云植晚大小次黃豆亦云植晚大小次青豆云植晚二種次花豆大小二種次烏豆色黑次菜豆植晚二種次赤豆蔓生次白豆宜作麩次小

豆赤白二種次豌豆大小二種次豇豆色白次菜豆青白赤三種次菹豆青白二種次羊角豆形類羊角次蠶豆形類蠶豆乾隆志大小青黃黑白赤綠花紅其豌豆以下別見下條 饒陽 黃黑青菜 今案本草舊書皆作菜李時珍改菜為綠非是郝蘭皋云菜綠字通無菜豆 安平 無小豆增刀豆龍瓜豆 今案蘇頌圖經云江南作豆豉自有一種刀豆甚佳西陽雜俎有挾劍豆李時珍謂即刀豆余見日本人仍名之挾劍豆 嵇康云豆令人重

記二十一

物產

七

榆令人瞑郝云周禮九穀兼大豆小豆管子地員亦著大菽細菽之目今時農家菽小菽每雜瓜田芋區中知其收入薄也大豆切於民用

豌豆 乾隆志大小 饒陽有 廣雅脾豆豌豆留豆也王伯申疏證

云四民月令正月可種春麥脾豆今北方種豌豆在正月與四民月令符故北農語曰豌豆大麥不出九也齊民要術云脾豆大豆類豌豆小豆類分為二類與廣雅異又爾雅戎菽樊光舍人李巡郭璞皆云胡豆詩疏引郭說管子北伐山戎出戎菽布之天下今之胡豆是也或說胡豆即豌豆郝云廣雅以胡豆為降黽與豌豆別今案李時珍言

豌豆出西胡今北土甚多李蓋主唐史畢豆出回鶻爲言則不以爲管子所得之戎菽矣

豇豆 饒陽有 廣雅胡豆降黽也李時珍云此豆多紅

色莢必雙生故有豇降黽之名廣雅以爲胡豆誤今案豇爲降黽之合聲李謂降黽爲豇是也但廣雅以爲胡豆不得謂誤蓋豆之來自外國者甚多筦子得山戎之戎菽陶氏論合藥云如胡豆者以二大麻準之如小豆者以三大麻準之是胡豆小於小豆別錄序例解之云丸藥如胡豆卽今青斑豆也此一胡豆也御覽引本草說生大豆云張騫使外國得胡豆或曰戎菽此豆在生大豆條當大於豌豆

記二十一

物產

八

豆此又一胡豆也李時珍引唐史畢豆出自回鶻者婁居中飲膳正要謂之回回豆此又一胡豆也又青小豆一名胡豆見千金方此諸豆皆名胡豆降黽一種何獨不可名胡豆乎

蠶豆 饒陽有 王禎農書謂其蠶時始熟故名李時珍

云御覽云張騫使外國得胡豆種歸謂此也今蜀人呼此爲胡豆

羊角豆 饒陽有 楊廷秀詩羊角豆纏松葉架雞冠花

隔竹槍籬

雍正志 有麻子大小二種蔓菁子實類交有藕豆饒陽有武強穀疏兩載安平入蔬類

應省 粟稷應省其一

應增稻 周官職方并州宜五種鄭注稻黍稷麥菽今民間近水處時種稻舊志無

蔬之類

芥 雍正志味辛 饒陽有安平有 陶云似菘而有毛味辣好作菹

亦生食今案陸璣詩草木疏云蕪菁幽州人謂之芥方言

關西謂之蕪菁趙魏之郊謂之大芥蕪菁之紫華者謂之

蘆菔郝謂今蕪菁蘆菔芥三者相似而異北人能識之陸

及方言並以蕪菁為芥誤余謂漢時此三物皆名蕪菁後

乃區別為名郝據今民俗譏漢晉人為誤殆未然也

白菜 雍正志類不一 饒陽有安平 菁菜今案南都賦秋韭冬菁急就篇老菁蕪菘冬日藏所謂菁即蕪菁非菘也菘為白菜亦名青菜蓋

記二十一

物產

九

皆以色名之安平志似以蕪菁為青菜誤矣

蘇恭云白菘似蕪菁也菘菜不生北土

有人將子北種一年半為蕪菁二年菘種都絕將蕪菁南

種亦二年都變李時珍云菘今人呼為白菜北人冬時入

之窖燕京圃人冬時以馬糞入窖壅培不見風日長出苗

葉皆嫩黃色脆美無滓謂之黃芽菜豪貴以為佳品今案

李說得之當時目驗蘇氏所云蕪菁似即謂今北方之白

菜與漢人所稱蕪菁異矣

菠菜 饒陽有安平 菠菜今案本名菠薐云菠菜者土俗語省薐字 劉禹錫嘉話錄云

菠薐本出西國中有自彼將其子來如苜蓿葡萄桃因張騫

而至也本是頗陵國將來語訛耳時多不知也今案唐會

要太宗時尼波羅國獻菠薐菜尼波羅國卽嘉話錄所云頗陵國也

韭雍正志一曰懶菜饒陽有安平有說文一種而久故謂之韭

芹雍正志水生乾隆志作水芹饒陽有安平有本草作水鄞陶云三三月作

英時可作菹孰淪食之俗中皆作芹字別本注卽芹菜也

蒿苳雍正志種類不一安平有本草蒿苳附入白苳杜公有種蒿苳

詩

蒼蓬 安平有嘉祐本草云不可多食莖灰淋汁洗衣

白如玉色

茼蒿雍正志味香饒陽有安平有嘉祐本草有同蒿李時珍云

記二十一

物產

十

此菜自古已有千金方入菜類

蒔蘿雍正志一曰小茴香陳藏器云生弗誓國實如馬芹子蘇頌圖經云

花實大類蛇牀而簇生辛香李時珍云卽小茴香今案海

藥云生波斯國佛誓卽波斯之異名

金簪雍正志色黃土宿本草云金簪草一名地丁今案本草綱目

所據書有土宿眞君造化指南蓋託名也

藕雍正志荷根爾雅荷夫渠其根藕說文作藕

黃花菜雍正志水生明汪穎食物本草黃瓜菜李時珍本草一名

黃花菜

紅花菜 李時珍云山丹燕齊人采其花跗未開者乾而

貨之名紅花茶

銀條

雍正志形類欽股

居人云苗高三四尺葉似柳邊有鋸齒根白以

色為名

山藥

雍正志一名薯蕷

饒陽

有安平

吳普本草云齊趙名山芋寇

云諸預上一字犯英宗諱下一字唐代宗諱今人遂呼山

藥盡失本名今案蘇頌圖經言諸預秋生實於葉間如鈴

則非山芋恐蘇誤韓公送文暢北遊詩云山藥煮可掘則

非避唐宋諱改

地蕷

雍正志味甘

本草栝樓一名地樓廩貢張廷楨云地蕷苗高數

尺葉似紅蕷根如指大似細腰葫蘆

記二十一

物產

十二

地瓜

雍正志似蕷而大

陳藏器本草拾遺有草石籬明周憲王救荒

本草謂之地瓜兒

地豆

雍正志土生

蘑菇

雍正志即地蕷

李時珍本草綱目一名肉蕷吳瑞云蕷桐柳枳

棋木上紫色者名香蕷白色者名肉蕷

馬齒莧

雍正志莖赤多產畦畔

陶云馬莧俗呼馬齒莧

胡葵

雍正志一曰蕷葵乾隆志作莞葵

饒陽

原葵

安平

胡葵

陳藏器云石勒諱胡故

并汾人呼為香葵李時珍云葵說文作葍云葍屬可以香

口今呼蕷葵葍乃莖葉布散之兒俗作莞非

苜蓿

雍正志宜蒸食

饒陽

有

陶云北人甚重此南人不甚食之以

無味故也

藜雍正志饒陽俗名掃帚菜

齊民要術引義疏云萊藜也李時珍云

河朔人名落藜又郭爾雅注王帚似藜江東呼曰落帚說文繫傳今落帚或謂落藜初生時可食本草地膚蘇頌圖經名鴨舌草郝云皆今掃帚草也今案落帚郭云似藜饒陽志卽以藜爲掃帚菜蓋本之李時珍似非是

萹菁雍正志根葉類萊菔饒陽有蘇恭云蕪菁北人又名萹菁根葉

及子乃是菘類劉禹錫嘉話錄諸葛亮所止令兵士獨種萹菁三蜀江陵呼爲諸葛菜蘇頌圖經蕪菁蘆菔北土種之尤多

記二十一

物產

三

花椒雍正志樹生色赤味辛饒陽椒

齊民要術有種椒篇

秦椒雍正志色赤味辛饒陽番椒土名秦椒今案此非土名亦非番椒菘文類聚引范子計然已有蜀椒秦椒之日本草有胡椒乃是番椒耳

陶云秦椒形似蜀椒而大或呼爲大椒郝云爾雅之檉大椒卽秦椒矣

蘿蔔雍正志列赤蘿蔔白蘿蔔並二味辛乾隆志紅白饒陽有安平有爾雅葵蘆菔郭注

菔宜爲菔蕪菁屬王云菔菔一聲之轉草之蘆菔與蟲之蠶蚘同名菔字不誤楊文公談苑更始敗掖庭中宮女數百幽閉殿門內掘庭中蘆菔根食之今蘿蔔是也今案陶云溫菘本郭璞方言注江東名爲溫菘也蘇頌圖經河朔蘆菔極有大者

胡蘿蔔

雍正志紫赤黃三種

饒陽有

李時珍云元時始自胡地來今

北土多蒔之苗如邪蒿不可食冬月掘根生熟皆可啖兼

果蔬之用今案嘉祐本草葫蘆巴蘇頌云番蘿蔔子

莧

雍正志無

饒陽有

安平有

本草莧實李當之云即莧菜也蘇

頌圖經莧有六種赤莧白莧紫莧五色莧馬莧

葱

雍正志味辛葷

饒陽有

安平有

蘇頌圖經葱有數種入藥用山

葱胡葱食品用凍葱漢葱一切經音義引爾雅舊注云并

州以北多饒蒼葱廣雅蒼山葱今案筦子伐山戎出戎菽

及冬葱冬葱即凍葱也蜀本草云漢葱冬即葉枯

蒜

雍正志味辛葷

饒陽有

安平有

陶云今人謂葫為大蒜謂蒜為

記二十一

物產

三

小蒜蘇頌圖經爾雅蒿山蒜釋曰說文云蒜葷菜也說文

所謂葷菜者今大蒜蒿乃今小蒜今案郝云蒜是摠名非

也王象晉羣芳譜引孫恂唐韻云張騫使西域始得大蒜

初時中國止有小蒜

苦菜

雍正志無饒陽有

爾雅茶苦菜陶云疑即是茗蘇恭云詩

誰謂荼苦堇荼如飴皆苦菜異名茗乃木類非菜流茶音

遲遐反非途音今案茶字古止作荼故陶有此疑郝云陸

羽箸茶經始減畫作茶苦菜有數種顏氏家訓江南別有

苦菜即爾雅之藏黃蔕河北謂之龍葵此一苦菜也本草

貝母一名苦菜敗醬一名苦菜廣雅游冬苦菜也顏氏家

訓游冬葉似苦苣則游冬苦苣乃二物而李時珍云苦菜
即苦蕒家生者為苦苣是苦苣亦名苦菜此數者同名苦
菜若本草之苦菜則寇宗奭云即月令小滿節後所謂苦
菜秀者北道則冬方凋斃南方則冬夏常青即所謂菜也
生菜雍正志無饒陽有嘉祐本草白苣一名生菜李時珍云白
苣苦苣蒿苣俱不可煮烹俱宜生按去汁鹽醋拌食通可
曰生菜而白苣稍美故獨得專稱今案陶云生菜中有胡
荽芸薹白苣邪蒿等則生菜不一類杜詩春日春盤細生
菜又云菜傳纖手送青絲殆即晉書所云立春日以芹芽
蘿菔為菜盤相饋者也

記二十一

物產

西

雍正志

有薄荷味辛而香

武強有安平

有

饒陽

增葫蘆茄子安平并有州并入瓜類又增茴香州入藥類

安平

增蘇州入

藥類又增蕪說文蕪菜也爾雅靡蕪蒼蘇恭云蕪乃韭類有赤白二種

應增草薺

本草云生真定山谷蘇恭云葉似薯蕷蘇頌圖經云今成德軍產者根亦如山芋本草圖有成德軍草薺

菝葜

陶云與草

薺根苗并相類蘇恭云葉粗相類根不相類本草圖有成德軍菝葜

瓜之類

饒陽併入蔬類

王瓜

雍正志四月生

饒陽

黃瓜

安平

同饒陽

今案蘇頌圖經云胡瓜黃色謂之黃瓜陳藏器云北人為石勒諱胡改稱黃瓜杜寶拾遺錄云

隋大業四年避諱改胡瓜為黃瓜二說未知孰是

舊志以王瓜為黃瓜非也王瓜本草一

名土瓜陶云土瓜生籬院間亦有子熟時赤如彈丸月令
王瓜生謂此鄭玄云菝葜殊為謬矣今案日華本草菝葜

一名王瓜草故鄭以注月令廣雅葵菇瓠瓢王瓜也郝云王瓜五月開黃華華下結子如小瓜此乃月令之王瓜也蘇頌云爾雅黃菟瓜郭云似土瓜蓋菟瓜別是一種又爾雅菲芴亦謂之土瓜詩所謂采葍采菲也以上諸說王瓜土瓜不一種并非黃瓜也

西瓜雍正志青白二種一曰冰瓜饒陽有安平有胡嶠陷虜記嶠征回紇

得此種歸名曰西瓜李時珍云據此則五代始入中國

冬瓜雍正志形類枕饒陽有安平有本草一名白瓜馬志云經霜

後皮上白如粉塗其子亦白故名齊民要術種於十月收於十月

記二十一

物產

五

南瓜雍正志青白二種饒陽有李時珍云種出南番今案桐城人名

番瓜

北瓜雍正志青白二種一曰倭瓜饒陽有王象晉羣芳譜云形如西瓜而

小皮色白瓢甚紅

甜瓜 饒陽有安平有蘇頌圖經甜瓜有青白二種李

時珍云北土種蒔甚多

菜瓜 饒陽有安平有李時珍云越瓜南人呼菜瓜

脆瓜雍正志能止渴

絲瓜雍正志長短二種饒陽有安平有李時珍云唐宋無聞今南北

皆有

穀雨瓜 雍正志穀雨節生

葫蘆 饒陽有安平入蔬

陶云瓠瓠亦是瓠類

瓠 雍正志長短二種 饒陽有安平入蔬

詩八月斷壺傳壺瓠也又云匏

謂之瓠蘇恭云瓠與冬瓜瓠瓠苗葉相似而實形有異瓠

水皆甜與甘瓠瓠噉之均勝冬瓜今案蜀本草云瓠甘者

大苦者小非是魯語苦瓠不材於人共濟而已即莊子之

大瓠慮以為樽者也不得為小又蘇恭分瓠與瓠瓠為二

郝云瓠曰瓠臚亦非蜀本草引切韻云瓠瓠也陶云瓠小

者名瓠

茄 雍正志紫白二種 饒陽有安平入蔬

陳藏器云茄一名落蘇段成式

記二十一

物產

六

云字當作草過反今呼苦伽反未知所自蘇頌圖經紫茄

黃茄南北通有之青水茄白茄惟北土多有

果之類

桃 雍正志種類不一內有佳品乾隆志多佳品 饒陽有安平有王子年拾遺記云漢

明帝時常山獻巨核桃霜下始花隆暑方熟今案吏部爵

秩書涇州土產曰桃往時有桃貢道光時張杰裁之直隸

之桃涇州最佳謂之蜜桃山東則出肥城者佳謂之肥桃

汝綸官冀州時從兄康之官武城縣汝綸以涇州桃寄康

之康之報以肥桃亦一時韻事也

梨 雍正志大小不一 饒陽有安平有魏文帝詔曰真定郡梨甘若蜜

脆若凌可以解煩消悃盧毓冀州論云常山好梨蘇頌云
紫花梨療心熱青城山邢道人以此進唐武宗後求之不
可得常山郡有一株緘封以進帝多食之歲久木枯不復
有種

棗

二志並云大小

饒陽

有

安平

有

何晏九州論云安平好棗

此安平今冀州

蘇頌圖經云有仲思棗者長一二寸核小北齊時仙人仲

思得之因以為名隋大業中信都郡嘗獻數顆近世稀有

杏

雍正志種類不一

饒陽

有

江南錄云楊行密改杏為甜梅王禎農

書北方肉杏甚佳謂之金剛拳今案爵秩書涇州土產有

杏仁

記二十一

物產

七

李

雍正志赤色果

饒陽

有

安平

有

寇宗奭云李品甚多天下皆有

之所以比賢士大夫盛德及天下者如桃李無處不芬芳

也今案魏文帝與吳質書云沈朱李李熟則赤郝蘭皋以

為廣志之赤李非也郭注爾雅赤李乃謂子赤者

柰

雍正志味澆

饒陽

有

安平

有

杜恕篤論云日給之花似柰柰

實而日給零落虛偽與真實相似也陶云北國最多今案

王伯申定正廣雅云楮榴石榴柰也柰非石榴王本未當

陸機與弟雲書謂張騫使外國得安石榴司馬相如賦已

言楮柰厚樸其非一物甚明埤倉云石榴柰屬玉篇云楮

榴柰屬皆不謂為卽柰今本廣雅楮榴柰也王據菝文類

聚御覽文選注增石榴二字但此三書引廣雅并云若榴石榴也亦不謂石榴卽柰愚謂當依諸書引廣雅所云若得合石榴爲一

林檎

雍正志一曰來禽

開寶本草其樹似柰其形圓如柰圖經或謂之來禽王羲之帖云青李來禽子皆囊盛爲佳函封多不

生

櫻桃

安平

有

爾雅謂之荆桃戴記謂之含桃王右丞詩云纔是寢園春薦後非關御苑鳥銜殘杜公有野人送

鷺桃詩

記二十一

物產

支

文冠

雍正志一曰無花果乾隆志作文官果

王象晉羣芳譜云樹高丈餘皮粗多礪礪木理甚細堪作器葉似榆而尖長實大者如拳實中

數隔間以白膜仁如馬檳榔裏以白軟皮大如指頂

牛心紅

雍正志赤果

居人云此果大如杏多係柰樹接者常墳璋云饒陽卽名之爲李今案羣芳譜有牛心李

杏梅

雍正志味酢

安平

有

范成大梅譜云杏梅色淡紅實扁而斑味全似杏

黃梅

雍正志金色

羣芳譜梅熟則黃杜詩草堂少花今欲栽不問綠李與黃梅范石湖梅譜至九十種

粉白

雍正志膚有浮粉

沙果 雍正志實繁

青果 雍正志一名青脆

開寶本草橄欖寇云味澀良久乃甘李時珍云此果雖熟其色亦青記事珠名忠果農書名諫果

石榴 雍正志味酸可作酒 安平 有 潘岳賦榴者天下之奇樹九州之名

果千房同膜千子如一

葡萄 雍正志赤白二種白者尤良乾隆志赤白 饒陽 有 安平 有 蘇頌圖經云北果之

珍者其汁可釀酒史記大宛以葡萄為酒今太原尚作此

酒今案葡萄酒今外國仍盛行西人居直隸者種葡萄釀

酒云不如太原佳

棠梨 雍正志無 饒陽 有 楊慎云尹伯奇采棠花以為食棹即山

記二十一

物產

充

梨今棠梨也今案張揖司馬相如賦注亭山梨

雍正志 有香梅味香 武強 有

木之類

柏 雍正志木性堅緻有脂而香 饒陽 有 安平 有 爾雅柏榭郭注云禮記鬯

白以柎爾雅又云檜柏葉松身說文檜通作栝廣雅栝柏

也爾雅翼云檜今謂之圓柏

槐 雍正志根可染黃 饒陽 有 安平 有 爾雅櫬槐大葉而黑守宮槐晝

聶宵炕蘇頌本草注引釋曰櫬槐一也大葉而黑名櫬不

爾則名槐槐葉晝合夜開者別名守宮槐聶合也炕張也

王荆公云槐黃中懷其美故三公位之

桑 饒陽有安平有 說文桑蠶所食葉木齊民要術種

椹長遲不如壓枝

榆 雍正志材中輪輿 饒陽有安平有 爾雅無姑其實夷郭注無姑姑

榆也所謂無夷郝云御覽引爾雅無姑作無枯周官壺涿

氏以牡棹午貫象齒杜子春注棹讀為枯枯榆木名是牡

棹即無姑春秋繁露無夷生於燕爾雅又云榆白粉郝云

榆有赤白二種今案說文齧醯榆醬也急就篇蕪荑鹽豉

醯酢醬急就之蕪荑蓋即榆醬郝强分家榆山榆二種疑

非

柳 饒陽有安平有 說文柳小楊也陳藏器云江東人

記二十一

物產

三

通名楊柳北人都不干楊今案陶云柳今水楊也吾疑說

文小楊乃水楊之誤蘇恭謂水楊與柳全別蓋以蒲柳為

水楊許陶之說不爾

杞柳 雍正志叢生可為栝椹 趙岐孟子注杞柳栝柳也爾雅釋文栝柳

即棹柳蘇頌圖經其木人以爲車轂取其細條火逼令柔

鞞屈作箱篋河朔尤多

楊 雍正志青白二種材可作器今案饒陽有 安平有 說文楊蒲柳也

蘇頌圖經蒲柳其枝勁鞞可爲箭筈左傳董澤之蒲是也

今河北沙地多生此又有檉柳者一名春柳爾雅檉河柳

郭注今河旁赤莖小楊也郝云檉今滄州文安彌望如莽

椿 雍正志味
香非可茹

饒陽 有安平有

爾雅釋文引方志云樛樛栲漆

相似如一郝云樛即椿

樛 雍正志材
中器用

饒陽 有

唐本草椿樛二木形相似樛疏椿實為

別蘇頌圖經椿木實而葉香可噉樛木疏而氣臭樛最無

用

赤棠

雍正志材
中雕鏤

安平 棠

爾雅杜赤棠郝云甘棠赤棠杜兼二

名

赤荆

饒陽 荆

別錄牡荆生河間南陽宛句山谷蘇頌

圖經云此即作箠杖者俗名黃荆有青赤二種執文類聚

引廣志云赤莖大實者名曰牡荆今案本草有萹荆小荆

記二十一

物產

三

無牡荆別錄增牡荆陶疑牡荆即小荆云牡荆子大於萹

荆子反呼小荆或以樹形為言今案廣雅牡荆萹荆也是

萹荆即牡荆諸家強分異同者非是本草但著萹荆與廣

雅正同別錄更收牡荆與萹荆區而為二蓋失之矣牡荆

萹荆本一物漢郊祀志作幡竿蓋用其大者本草別小荆

於萹荆小荆則荆之小者非牡荆萹荆以子與樹別大小

也至舊說牡荆無子萹荆萹生郝引牡丹有子萹根非萹

生為證駁之是矣又李當之云澠疏一名牡荆

柘 雍正志材
中弓輪

安平 有

齊民要術柘十五年任為弓材亦堪作

履廿年好作犢車材柘葉飼蠶絲可作琴瑟弦勝於凡絲

杜 饒陽有

爾雅杜甘棠郭云今之杜梨陸璣詩疏白

棠甘棠也子多酸美而滑赤棠子澀而酢木理亦赤可作弓材

梧桐 雍正志無 武強 無

爾雅櫬梧郭云今梧桐又柴桐木郭云

即梧桐郝云今人謂之青桐即櫬梧皮白材中樂器即榮桐

棟 雍正志無 武強 無

李時珍云棟長甚速三五年即可作椽

雍正志 有松材宜棟

武強 增 安平 同

陶云此即今穀樹也穀音構蘇頌圖經葉有瓣曰楮無曰穀

詩爰有樹檀其下維穀陸璣疏幽州謂之穀桑或曰楮桑

記二十一

物產

三

應增卷柏

本草生常山山谷闕陶注細葉似柏卷屈藏如雞足

玄芝

本草生常山蘇恭謂本草以芝五色分五嶽為非此或當時實

有適合方色姑存之

花之類

迎春 雍正志色黃 饒陽有

陳藏器云辛夷初發如筆北人呼為

木筆南人呼為迎春今案羣芳譜別有迎春花如瑞香黃色此志所謂迎春也

探春 雍正志色白味香

金雀 雍正志赤黃

羣芳譜叢生莖褐色花生葉旁色黃旁開兩

瓣勢如飛雀

碧桃 雍正志色赤

羣芳譜王敬美云桃種最多多植園中取果

其可供玩者莫如碧桃

丁香 雍正志紫白一種

齊民要術云雞舌俗名丁子香寇宗奭云此

正是御史所含之香今案蘇頌圖經云惟廣州有之非也

杜公江頭五詠有丁香今燕趙并有

牡丹

雍正志昔人謂之富貴花

安平 有

御覽引范子計然云牡丹出漢中

河北赤色者亦善歐陽公花品敘云錢思公小屏細字滿

其上曰此是牡丹名凡九十餘種今余所經見才卅許種

不知思公何從而得之多也

芍藥

雍正志色紅

崔豹古今注云牛亨問曰將別贈以芍藥何

也董子

二字據羣芳譜增

答曰芍藥一名將離故相贈亦猶相招贈之

記二十一

物產

三

以文無文無一名當歸欲忘憂則贈以丹棘丹棘一名忘

憂欲蠲人之忿則贈以青裳青裳一名合驪也

薔薇

雍正志蔓生而作架

本草營實一名墙微雷公云今薔薇爾雅薔

薔薔冬郝云卽今薔薇薔冬天門冬二名相亂釋文又誤

爲麥門冬也

刺梅

雍正志黃色多刺

饒陽 有

今案羣芳譜有花名刺縻者灌生莖

多刺葉圓細而青花重葉狀似玫瑰而大此刺梅卽刺縻

海棠

雍正志色嬌而豔

唐相賈耽著花譜以爲花中神仙復齋漫錄

云仁宗朝張冕學士賦海棠詩云山木瓜開千顆顆水林

檣發一攢攢注大約木瓜林檎初開皆與海棠相類若冕

言江西人正謂棠梨花耳惟紫綿色者謂之海棠似木瓜
林檎者非真海棠也晏元獻云似紅如白海棠花亦與張
冕同意

石榴 雍正志朱紅色間有白者瓣層疊不結子 已見前

玫瑰 雍正志清芬可作餅餌 羣芳譜云灌生花葉類薔薇楊誠齋詩云

非關月季姓名同不與薔薇譜牒通接葉連枝千萬綠一
色兩色淺深紅

月季 雍正志一名長春 饒陽有安平有 李時珍云亦薔薇類也逐

月開放不結子

荷花 雍正志紅白一種 爾雅荷扶渠其實蓮其根藕今案荷字古作

記二十一

物產

西

茄揚子雲反騷衿芟茄之綠衣

玉簪 雍正志似簪可佩 饒陽有安平有 王荆公詩云瑤池仙子宴

流霞醉裏遺簪幻作花萬斛濃香山麝馥隨風吹落到君

家黃山谷詩云宴罷瑤池阿母家嫩瓊飛上紫雲車玉簪

墮地無人拾化作東南第一花

樂枝 雍正志色赤

石竹 雍正志一本數色 饒陽有安平有 李太白詩石竹繡羅衣杜詩

麝香眠石竹羣芳譜云石竹草品纖細而青翠花有五色

鳳仙 雍正志一名海娘子 饒陽有 羣芳譜莖有紅白二色葉長而尖

似桃柳葉故又有夾竹桃之名開花頭翅羽足俱翹然如

鳳狀

紫蝴蝶雍正志
色紫

李時珍云射干卽扁竹今人所種多是紫

花者呼爲紫蝴蝶

雞冠

雍正志赤
黃白二種

饒陽

有安平

楊誠齋詩云陳倉金碧夜

雙斜一隻今棲紀涓家別有飛來矮人國化成玉樹後庭

花羣芳譜云矮雞冠或云卽玉樹後庭花又云解縉嘗侍

上命賦雞冠花縉曰雞冠本是胭脂染上袖中出白雞冠

縉應聲曰今日如何淺淡妝祇爲五更貪報曉至今戴得

滿頭霜

馬纓

雍正志無安平

有吳青壇嶺南雜記馬纓花色赤如馬纓

記二十一

物產

五

其花下垂一條數十朵樹高者丈許

牽牛

雍正志黑
白二種

見後藥類

葵花

雍正志俗
名望日蓮

安平

有本草葵葉爲百菜主蘇頌圖經葵

凡數種有蜀葵爾雅所謂蓂葵是也小花者名錦葵又

有終葵吳人呼爲繁露爾雅所謂終葵繁露是也又有兔

葵爾雅所謂葦菟葵是也今案終葵合二字成義非葵類

鄭考工注云齊人謂椎曰終葵蘇頌誤數之又郭注爾雅

云蜀葵似葵明非卽葵也嘉祐本草又有黃蜀葵寇云黃

蜀葵別一種非蜀葵中黃者

扁竹

雍正志類
竹而扁

詩傳竹蕭竹本草蕭蓄陶注人亦呼爲蕭竹

蘇頌云爾雅竹蕭蓄孫炎引詩葉竹猗猗今案說文作蕭
葦葦蓄竹皆音相近水經注引詩傳作編竹編蕭字亦通
借酈又稱為編草爾雅說文毛傳酈注皆一物也郝乃謂
陸璣所說為水蕭葦而非爾雅之蕭蓄似是強生分別又
本草圖有冀州蕭蓄

夜合 雍正志一
名合歡 饒陽 有 嵇康養生論云合驩蠲忿萱草忘

憂蘇頌圖經云合歡夜合也陳藏器云葉至暮而合故名

合昏

菊 雍正志凡百
種諸色備 饒陽 有 安平 有 爾雅鞠治牆郭注今之秋

華菊說文繫傳云本草菊有十名不言治牆又云本草鞠

記二十一

物產

美

即九月黃華者也一名日精郝云說文鞠治牆也鞠日精
也以秋華郭云秋華菊乃日精非治牆徐錯據本草以駁
郭注其說是但治牆遂不知何物

熟菊 雍正志紅
白不一

芙蓉菊 雍正志
黃色 羣芳譜云開就者如小木芙蓉尤穠盛者

如樓子芍藥但難培植多不能繁

柳葉菊 雍正志俗
呼六月菊 今案羣芳譜有六月菊但無柳葉之目

回回菊 雍正志類
熟菊而小 羣芳譜回回菊極耐霜露徑可二寸萼黃

瓣初赤紅既開則面金黃而背赤紅葉綠而黑長厚而尖

金絲菊 雍正志
赤金色 羣芳譜云淡黃細瓣凡五層一簇黃心甚

小與瓣一色顏色可愛 陶云菊有二種一種莖紫氣香味甘葉可作羹食者為真菊一種青莖而大作蒿艾氣味苦不堪食者名苦蕒非真菊也

山丹 雍正志無 安平 有 孟詵云百合紅花者名山丹李時珍云

根似百合與百合迥異今案楊誠齋詩云花似鹿葱還耐久葉如芍藥不多淡能盡其狀

紫荊 雍正志色紫 蘇頌云似黃荊葉小無極花淡紫可愛陳藏

器云即田氏之荊也今案田氏乃荊樹此云似黃荊則非樹也

萱草 雍正志一日忘憂一日宜男婦人佩之 安平 有 王朗與魏太子書云萱草

記二十一

物產

三

忘憂泉蘇釋勞蘇頌圖經云俗謂之鹿葱

金銀藤 雍正志蔓生 別錄名忍冬陶云凌冬不凋故名

穿竹連 雍正志蔓生

鹿角梅 雍正志紫白二種

穿心梅 雍正志一曰重樓花

木槿 雍正志一名舜華 安平 有 詩傳舜木槿也樊光云其樹如李

其華朝生暮落

蠟梅 雍正志登宜密室 范石湖梅譜云蠟梅本非梅類因其與梅同

時香又相近色酷似蜜故名山谷云京洛間有一種梅類女工撚蠟所成故以名之

饒陽 增金盞蘇頌圖經杏葉草一名金盞草

應增款冬花 本草生常山山谷陶云第一出河北其形如宿蓴未舒者

藥之類

菟絲子 雍正志味甘平赤金色寄生草上 饒陽 有 郝云舊說菟絲無根不必

然今驗菟絲初亦根生及至蔓延其根漸絕因附物以生今案菟絲無根見呂覽爾雅唐蒙女蘿女蘿菟絲郭云別四名是唐蒙為二物而本草以為一物用舍人爾雅注也詩傳女蘿菟絲松蘿也本草菟絲無女蘿之名別有松蘿云一名女蘿是女蘿菟絲為二物與爾雅詩傳均不合矣普本草云菟絲一名松蘿補本草之闕矣

記二十一

物產

天

山藥 安平 有 說已見前

車前子 雍正志味甘性寒多產路旁 饒陽 有 安平 有 本草云生真定平澤

邱陵阪道中爾雅芣苢馬鳥馬鳥車前陸璣云喜在牛跡中生故名車前幽州人謂之牛舌草今案爾雅毛詩皆以芣苢為車前毛詩序云婦人樂有子韓詩芣苢澤瀉其序云傷夫有惡疾余以謂韓詩是也說文芣苢實如李令人宜子周書所說其云令人宜子義本毛詩愚意樂有子而津津咏吟其義殊儉不如夫疾采藥反復致其憂傷於義為深說文繫傳韓詩芣苢木名實如李與選注所引韓詩章句澤瀉之說不合疑別出三家詩非韓義

牽牛

雍正志味苦性寒，蔓生。

饒陽

有

安平

有

陶云作藤生花子作小

房實黑色形如椽子核今案陶又云此藥始出田野人牽

牛謝藥故名乃穿鑿妄說不足據

藿麥

雍正志味苦性寒。

陶云子頗似麥故名圖經云爾雅名大菊廣

雅名苾菱

茵陳

雍正志蒿類味苦微寒。

廣雅作因塵御覽引吳普本草云因塵生

田中葉如藍今案廣雅因塵馬先本草茵陳在上品馬先

在中品非一物廣雅有脫誤也

薄荷

雍正志味辛溫。

蘇頌圖經云字書作菝葜古方稀用近世治

風寒為要藥李時珍云甘泉賦作芟菝

記二十一

物產

无

蒼耳子

雍正志味苦。

饒陽

有

爾雅卷耳苓耳廣雅苓耳蒼耳泉

耳也高誘云幽冀謂之檀菜陸璣云幽州人謂之爵耳今

案陶云昔中國無此從外國逐羊毛中來故名羊負來說略

本博物志王郝并駁之甚當淮南云位賤尚泉高誘以為

主泉耳之官王謂尚泉即周官典泉泉謂麻泉非泉耳其

說最是郝以官名尚泉傳會審官官人義頗迂曲李太白

有范居士摘蒼耳詩杜公有驅豎子摘蒼耳詩

白菹豆

雍正志性甘溫。

陶云菹豆人家種之籬援其莢蒸食甚美

蘇恭云北人名鵲豆蘇頌云有黑白二種白者入藥黑者

名鵲豆

益母草

雍正志味甘一名野天麻

安平有

詩中谷有蕓傳蕓離也陸璣

疏舊說及魏博士濟陰周元明皆云菴藺韓詩及三倉說悉云益母故曾子見益母而感本草云益母芫蔚也故劉歆曰蕓臭穢臭穢即芫蔚也今案爾雅蕓蕓說文蕓佳也蕓佳與離并通借

紫花地丁

雍正志味苦根直如丁

安平有

李時珍云葉似柳微細夏

開紫花結莢一名箭頭草

地黃

雍正志味甘性寒

淮南子云地黃主屬骨而甘草主生肉之藥

也本草圖有冀州地黃今案說文芫地黃也禮曰鉶芫牛藿羊芫豕薇王伯申謂古人飲食不用地黃以芫為苦之

記二十一

物產

三十

假借非也儀禮今文作芫與古文異說若苦借為芫許當引禮解苦字不引禮解芫字矣郝云取新生苗葉益人是也

朴消

雍正志性涼

本草一名消石朴馬志云消是本體之名石

乃堅白之號朴即未化之義又注硝石云此即地霜也所在山澤冬月地上有霜掃取以水淋汁後乃煎鍊而成

枸杞

雍正志味甘性溫

安平有

爾雅杞枸檮郭云今枸杞本草生

常山平澤今案本草有蘿摩子陸璣云一名芫蘭幽州人謂之雀瓢陶注雀瓢是女青掌禹錫云陶注枸杞云一名雀瓢此注又云雀瓢是女青愚謂此當是蘿摩枸杞女青

同名雀瓢也又枸杞一名仙人杖見陳伯玉觀玉篇序

地骨皮雍正志性寒安平有本草枸杞一名地骨陸璣疏春生

作羹茹微苦今案本草枸杞地骨實一物雍正志強分寒溫誤

蝸牛雍正志味鹹多生溼壁上安平有爾雅蚘贏蝮蚘郭云即蝸牛又

郭山海經注僕纍蝸牛也蜀本草蝮蚘即蝸牛王郝并云

順天呼水牛

紫蘇雍正志味辛爾雅蘇桂在釋曰以其味辛類桂故一名桂

桂陶云葉下紫色而氣甚香蘇頌圖經蘇紫蘇也

乾艾雍正志性溫平饒陽艾本草艾主灸百病可作煎今案艾以

陳為貴孟子求三年之艾又離騷注艾白蒿也陸璣疏凡

記二十一

物產

三

艾白色者為白蒿北海人謂之旁勃

小茴香雍正志性溫饒陽入蔬安平有李時珍云小茴香即蒔蘿

今案蒔蘿已見蔬類又唐本草有藿香蘇頌云北人呼為

茴香茴藿聲近

透骨草雍正志味甘辛李時珍云治筋骨風溼今案透骨草見孫

氏集效方普濟方

葶麻子雍正志味辛饒陽子蘇恭云葉似大麻子而甚大其子

如牛蟬李時珍云葶亦作蠅蠅牛蟲也今案葶葶通借

夏枯草雍正志味苦辛安平有蘇頌圖經三四月開花似丹參五

月枯

蛇床子

雍正志
味苦辛

安平 有

淮南子云夫亂人者芎藭之與藁

本也蛇床之與蘼蕪也此皆相似又云蛇床似蘼蕪而不

能芳

疾藜

雍正志
志無 饒陽 有

爾雅茨疾藜郭云布地蔓生細葉子有

三角刺人

蒲公英

雍正志
味甘平

饒陽 有

千金作鳧公英唐本草作蒲公英

蘇頌圖經云俗呼蒲公英寇云今地丁也

火麻仁

雍正志
味甘

本草大麻吳瑞日用本草云即火麻寇云

張仲景麻子仁丸即大麻子中仁也

麥冬

雍正志
味甘平

本草麥門冬一名忍冬陶云根似穡麥故謂

記二十一

物產

三

麥門冬今案此及天門冬皆因爾雅牆蘼麥冬而得名蘼
薇名蘼冬又有牛棘牛勒之目天門冬亦有顛棘顛勒之
目亦名蘼冬云天者天顛聲近也此云麥則陶說是三者
皆蘼冬故以天麥別之山海經條谷之山其草多芍藥蘼
冬不言天麥之異寇云天門冬麥門冬之類愚謂二冬并
薔薇之類也

紅藍花

雍正志
味辛温

開寶本草紅藍花一名黃藍博物志云張

騫所得今滄魏地亦種之蘇頌圖經云即紅花也

茜根

雍正志
味苦

安平 有

陸璣詩疏茹蘆茅蒐菑草也齊人謂

之茜徐州人謂之牛蔓今案說文以為人血所生殆未是

胡茄 雍正志 味辛

蒲黃 雍正志 味甘平

花蘇頌圖經蒲釐周禮以為菹

括萁仁 雍正志 無 安平 瓜 爾雅果羸之實栝樓

天花粉 雍正志 無 安平 有 李時珍云栝樓根作粉潔白如雪故名

名

青黛 雍正志 味鹹寒

藍靛花今案此即以土產之藍靛為青黛

菊花 雍正志 味甘

吳瑞云花大而香者為甘菊李時珍云甘菊其花細碎蕊

記二十一

物產

三

如蜂窠中有細子范至能言惟甘菊可食其餘黃白二花

皆苦

樗根 雍正志 味苦

用樗根濃汁一蜺殼和粟米泔治小兒疳痢

石榴 雍正志 味甘酸

蘇恭云此即槭今案爾雅槭酸棗郭引孟子

養其槭棗今本棗作棘棘即棗也水經注引圈稱云豫章

以樹氏郡酸棗以棘名邦是棘棗同字之證

白花 雍正志 味苦辛

桑白皮 雍正志 無 饒陽 有 安平 有 蘇頌圖經桑根白皮不可用

出土者

荳草

雍正志味鹹微寒多生水旁

武强

水荳草

別錄荳草蘇頌注即水紅也圖

經云爾雅紅龍古其大者蕤詩隰有游龍是也

瓦松

雍正志無 饒陽有

唐本草昨葉何草生屋上如蓬初生高

尺餘遠望如松栽一名瓦松

馬蘭

雍正志搗膏治小兒痞

陳藏器云生澤旁如澤蘭氣臭北人呼為

紫菊

井泉石

雍正志舊出塔下村今不出貢額猶存見賦役書

本草圖有溪州井泉石掌禹錫

云近道處處有之以出饒陽郡者為勝生田野間地中穿

地深丈餘得之形如土色圓方長短大小不等內實而外

記二十一

物產

西

圓重重相疊又一種如薑石者時人多指為井泉石非是

蘇頌圖經井泉石生溪州城西廿里劇家村今案深州見

本草者止此一物大觀本草井泉石注新定二字序例云

凡藥有今世已嘗用而諸書未見無所辨證者則從太醫

眾論參議別立為條曰新定雍正時賦役書有貢額乾隆

志無則已裁貢也

雍正志

有金鳳花味微苦胡荽味辛温

安平

增雜麻紅藍芝麻青藍之屬為雜類

今案雜即本草之苘字一作蕘圖經云

北人種以績布及打繩索餘并分見各類

應增凝水石

本草生常山山谷又中水縣及邯鄲陶云中水屬河間郡

鹵鹹

本草下品蘇恭云是鹵土也今人熟皮用之於鹵地

掘取**食鹽**別錄中品李時珍云海豐涇州引水入池晒成并州河北所出者鹹鹽也刮取鹹土煎鍊而成**卷柏**本草生常山山谷石間**虎**

掌本草圖有冀州虎掌圖經云冀州人菜園中種之亦呼為天南星**狗脊**本草生常山川谷**小薊**本草圖有冀州小薊根圖經云俗名

青刺心中出花頭如紅藍花而青紫色北人呼為千針草**續斷**本草生常山山谷唐本注根如大薊圖經云花如大薊引范汪方云續斷即是馬薊大於小薊

紫苑本草一名紫菀生真定邯鄲**葶藶**本草圖有成德軍葶藶圖經云葶藶生冀城平澤澤河北州郡皆有之本草注云實葉皆似芥

漆本草圖有冀州澤漆圖經云大戟苗也本草大戟生常山**草薺**本草生真定山谷**五味**陶云出青州冀州者過酸**雞頭**方言

北燕謂之菝葜幽州人謂之烏眼**菝葜**幽州人謂之菝葜**菲**幽州人謂之菲**薤**幽州謂之薤**薤**幽州謂之薤**菘**幽州人謂之菘**草蒿**幽州人謂之草蒿

芡蘭一名蘿摩幽州人謂之雀瓢**梟**幽州人謂之梟**棣**北方呼之相思也自蔽**草蒿**蜀本圖經北人呼為青蒿

苳郝云順天人呼為青蒿**苳**呼回回稭稽

羽之類

雞雍正志德禽**饒陽**有安平**今案詩風雨如晦雞鳴不已言**

記二十一

知時也莊子云雞有五德

鷺有安平**爾雅舒鴈鷺舒鳧鷺今案舒者舍**

之借字舍鴈舍鳧即家鴈家鳧也郝云謂之舒者以其行

步舒遲望文生訓失之遠矣家野實亦通名莊子山木命

豎子殺鴈此謂鷺為鴈王勃滕王閣記落霞孤鷺此謂鳧

為鷺也

鴨雍正志家鷺也**饒陽**有安平**尸子野鴨為鳧家鴨為鷺今案**

廣雅鴨字作鳧

鶉雍正志好羣飛**饒陽**有安平**孟詵食療本草鶉一名鶉鶉**

本草新補云白鶉鶉類也今案張九齡以鶉傳書謂之飛

物產

三

奴近歐美入遠行多用鴿寄書

班鳩雍正志居有定偶安平鳩爾雅鷓鴣鴝左傳疏引舍人說鷓

鳩今之班鳩也陸璣疏鳴鳩班鳩也

烏鴉雍正志反哺鳥饒陽鳥安平有詩小弁傳譽卑居卑居雅烏

也說文烏孝鳥也小爾雅云純黑而反哺者謂之慈烏小而腹下白不反哺者謂之雅烏白項而羣飛者謂之燕烏掌禹錫云慈鴉似烏而小多羣飛作鴉鴉聲北方極多謂之寒鴉

黃鸝雍正志即倉庚安平有陸璣疏黃鳥黃鸝留也幽州人謂之

黃鶯

記二十一

物產

美

紫燕雍正志曰社鳥饒陽燕安平有說文燕玄鳥也陶云燕有兩

種紫霄輕小者是越燕斑黑而聲大者是胡燕今案紫燕謂紫霄者

喜鵲 饒陽鵲安平有郝云西京雜記陸賈曰乾鵲噪

而行人至今人則通呼喜鵲今案廣雅鴝鵒也鄭大射注引淮南子曰鴝鵒知來知來行人至等說皆無稽自漢已然

褐爵 饒陽雀安平有別錄一名瓦雀今案古謂之黃

雀莊辛所稱公子挾彈規黃雀者是也涇州稱為褐雀者以其羽毛斑褐也

啄木 雍正志無 安平 有 爾雅鴛斲木淮南子云斲木愈齟

鷓鴣 雍正志二鳥俱猛鷓善搏擊 爾雅晨風鷓鴣郭云鷓屬陸璣疏云鷓

似鷓今案晉書崔洪傳云洪清厲骨鯁為尚書左丞時人為之語曰叢生荆棘來自博陵在南為鷓在北為鷹亦此州故事也

鸛爵 雍正志高脚鳥性嗜食蛇 廣雅作翟雀陸璣疏鸛雀似鴻而大樹上

作巢陶云鸛有兩種似鷓而巢樹者為白鸛黑者曲頸為烏鸛

鸛鷓 雍正志戰禽 饒陽 鸛 安平 有 夏小正傳鴛鷓也呂覽注鴛

鷓也周雒謂之鴛幽州謂之鷓郝云鷓鷓俱鷓之別體鷓

記二十一 物產 毛

鷓二鳥本非同類故公食大夫以鷓鴛并列內則鷓鴛與鴛釀異名王云散文則通高誘淮南注鷓鴣也今案楊文公談苑言人有得鷓於水次者半為鷓半為蛙列子蛙聲為鷓張湛注事見墨子寇宗奭非之云鷓有雌雄從卵生何言化也嘗於野田屢得其卵寇說是也今西人言物各有種安能彼此相化譏吾月令所言多失實也

鷓鴣 雍正志無 安平 有 爾雅鷓鴣春鉏禽經名鷓鴣

鷓鴣 雍正志無 安平 有 爾雅鷓鴣郭云即鷓鴣也杜臺卿淮賦鷓鴣吐雛於八九圖經此鳥胎生從口中吐雛如兔子類寇云嘗官澧州公宇後大木有三四十

鷓鴣 雍正志無 安平 有 爾雅鷓鴣郭云即鷓鴣也杜臺卿淮賦鷓鴣吐雛於八九圖經此鳥胎生從口中吐雛如兔子類寇云嘗官澧州公宇後大木有三四十

巢日夕觀之有卵殼布地豈得吐雛口中是全未考尋聽人之誤言也今案寇說是口中吐生皆中國不明物理之怪說韓公大儒毛穎傳亦循俗言之雖戲謔要為失實也

鴟鴞 雍正志書 伏夜飛

爾雅鴟鴞鷓鴣陸璣疏鴟鴞幽州人謂之鷓

鳩郝云韓毛諸家並以鴟鴞為小鳥郭云鴟類失之今案郝說非是毛同爾雅無大小之說其說鴟鴞詩云甯亾二子不可以毀我周室者當矣其上言無能毀我室者攻堅之故也與下文義不屬愚嘗謂毛傳蓋有後人羸入之說此類是也王伯申引賈誼賦鴟梟翱翔蔡邕賦鷓鴣軒翥皆與郭義正同郝引劉向九歎鴟鴞集於木蘭王逸以為

記二十一

物產

美

貪鳥賈劉蔡皆漢能文之士其讀詩視他經生為深矣詩言鴟鴞鴟鴞既取我子毋毀我室云者託小鳥呼告鴟鴞之詞重言鴟鴞有恨聲焉此豈小鳥自呼己名之文哉

雍正志

有大鵬翎中箭羽饒陽有又有野雉饒陽亦有郝云士塾雉以其體備文明

性秉耿介也

饒陽

增雁安平有寇云雁為禮幣一取其信二取其和也

安平

增鷹李時珍云北人

多取雛養之

應增鴟鴞

陸璣疏雛今小鳩也幽州人或謂之鷓鴣案鷓鴣字倒方言廣雅均作鷓鴣

布穀

爾雅鷓鴣郭云今布穀郝云今德滄

之間謂之保姑

鷓鴣

陸疏幽州人謂之鷓

毛之類

職方并州畜宜五撮鄭云馬牛羊犬豕

馬雍正志肝能殺人饒陽有安平有

別錄馬出雲中韓退之云冀北

馬多天下

牛雍正志耕畜饒陽有安平有

說文牛大牲也

驢雍正志大耳畜饒陽有安平有

玉篇似馬長耳

騾雍正志馬類饒陽有安平有

今案上林賦駃騠驢羸廣雅駃

騠在馬屬則驢羸當同為馬屬也

豬饒陽有安平有

爾雅豕子豬方言豬北燕朝鮮之

間謂之豶

羊饒陽有安平有

說文董子曰羊祥也故吉禮用之

別錄殺羊生河西孟詵云河西羊最佳河東羊亦好若驅

記二十一

物產

三

至南方則骨力勞損陶云羊以青色殺羊為勝次則烏羊其餘羶羶羊及虜中無角羊止可啖食為藥不及都下者山羊即爾雅羶羊李時珍云山羊有二種一種大角盤環肉至百觔一種角細者說文謂之羶羊音桓羊生江南者為吳羊頭身相等生秦晉者為夏羊頭小身大土人二歲而剪其毛以為氊謂之綿羊

犬雍正志守犬獵犬矮犬饒陽有安平有

說文引孔子曰視犬之字如

畫狗也爾雅釋文引字林云狗家獸也周禮疏犬有三種

一田犬二吠犬三食犬

狐紫狸雍正志狐善為妖魅多疑死則首邱紫狸草獸皮可禦寒安平狐

陶云江東無狐皆

出北方及益州形似狸而黃寇云狸文有二一如連錢一
如虎文今案狐狸本二物名鑿別錄狸在中品狐在下品
禮君衣狐白裘杜詩白狐跳梁黃狐立陶止言黃殊未備
郝云家爲貓野爲狸即野貓

兔 饒陽有安平有 說文兔謾馳善逃

蝟 雍正志徧體穴
刺晝伏夜出 饒陽有安平有 史記龜策傳蝟辱於鵲集

解引郭氏云蝟能制虎見鵲仰地本草陶注蝟能跳入虎
耳而見鵲便自仰腹受啄

貓 雍正志
捕畜 饒陽有安平有 禮郊特牲迎貓爲其食田鼠也

廣雅貍狸貓也今案爾雅貍白狐非貍貅之貍方言貍北

記二十一

物產

罕

燕朝鮮之間謂之貉關西謂之狸狸貓互受通稱

鼠 饒陽有 說文鼠穴蟲之摠名淮南子云魚食巴豆

而死鼠食巴豆而肥

黃鼠 說文鼯如鼠赤黃而大食鼠者菰文類聚引廣志

云黃鼠善走郝云今俗通呼黃鼠狼順天人呼黃鼯

鼯鼠 雍正志地
中行鼠 爾雅鼯鼠郭注地中行者陶云鼯鼠一名鼯

鼠圖經鼯鼠似牛而鼠首大者千斤出滄州郝云潛行地

中起土如耕方言謂之鼯鼠今案爾雅鼯鼠與陶說鼯鼠

疑非一物

獾 雍正志
名野豕 說文獾野豕也方言獾關西謂之獾淮南修務

云獾貉爲曲穴蘇頌圖經云獾與獾貉三種而大氏相類郭注爾雅獾一名獾乃是一物然方書說其形差別也

魚之類饒陽無今案州境水族皆生虜池水中饒陽志無魚類則始修志時虜池不入縣境故也

鯉雍正志味美安平有陶云鯉最爲魚中之主陳藏器云無大

小皆卅六鱗

鮎雍正志身滑無鱗蘇頌圖經鮎亦名鰕詩魚麗于留鰕鰕傳鰕鮎

也蜀本圖經云有三種口腹俱大者名鰕背青而口小者

名鮎口小背黃腹白名鮎鮎名河豚今案河豚此州無有

李時珍說鮎似鱖惟鼻短爾不言是河豚也

鯽雍正志體促脊隆安平有廣雅鯽鮎也郝云鮎今之鯽魚說文作

記二十一

物產

三

鮠今案鮠卽鯽見陸佃埤雅

鮠雍正志穴處泥中爾雅鮠鮠郭云今泥鮠字林云鮠似鱖短小也

鮠雍正志黃質黑章安平有韓保昇曰鱖魚生泥窟中似鱖鱖而細

長亦似蛇而無鱗有青黃二色今案鱖字亦作鮠曹子建

有鰕鮠篇

鮠安平有郭爾雅注江東呼鮠魚爲鮠陸璣疏鮠魚

廣而薄肥恬而少力細鱗魚之美者遼東梁水鮠尤美於

中國鮠故其鄉語曰居就糧梁水鮠是也今案說文鮠赤

尾魚郝據詩傳魚勞則尾赤謂許定以赤尾爲非愚考李

時珍言有火燒鮠有赤鬣連尾黑質赤章李蓋得之目驗

許云赤尾謂此種不必據毛傳爲說郝氏譏之過矣

鰕 開寶本草昔有仙人劉憑常食石桂魚桂鰕同音當

卽此魚今案張志和詩桃花流水鰕魚肥鰕魚入詩始此

雍正志鰕屬一名黑魚

今案古有鰕鰕魚集韻引博雅鰕鰕鰕也王

云諸書無以鰕鮐爲鮐者據玉篇鰕鰕鰕也定正廣雅但集韻又引廣雅鮐鮐也之文則鰕鰕鮐之皆爲鮐似亦未宜擅改其下言鮐鮐爲鮐他書亦少見鮐上河字集韻有之亦不宜徑刪郭注上林賦鮐鮐也增辨于此

錦鱗

雍正志一名五色魚有朱紅杏黃虎皮粉白黑五種俱三尾金脊尻文人以缸畜于書舍

程史今中都有豢魚

者能變魚作金色貴游多鑿石爲池寘之簷牖間供玩又

記二十一

物產

星

別有雪質黑章的爍若漆曰玳瑁魚文采尤可觀惟杭人能餌畜之今案古人稱錦鱗皆是鯉魚李太白詩漢口雙魚白錦鱗杜牧之詩錦鱗書未傳皆用雙鯉傳書事也此志所列則今之金鯽魚

蝦蟇

雍正志無安平有

說文鼃蝦蟇也蟆蝦蟆也急就篇水蟲

科斗蠅蝦蟇顏注蠅一名蠅蝮色青小形而長股蝦蟇一名螿大腹而短腳本草蝦蟆別錄一名蟾蜍蘇頌圖經云爾雅鼃蠅蟾諸郭注云似蝦蟇居陸地是非一物明矣郝云書大傳濟中詹諸鄭注詹諸鼃鼃也大傳所說是鼃鼃在水中者爾雅所言則詹諸居陸地本不同物古多通名

今案陶注本草蝦蟇云此是腹大皮上多疝磊者與顏說大腹短腳爲蝦蟇者正同皆所云陸居之蟾蜍也今以蝦蟇爲蛙而蟾蜍之爲蝦蟇其名反隱於是急就篇繩蝦蟇并舉於詞爲複而漢書五行志武帝元鼎五年蛙與蝦蟇羣鬪之語爲不可解矣

鼈 說文甲蟲也鄭注梓人云外骨龜屬內骨鼈屬

螃蟬 雍正志六 臨二螯 大戴記勸學篇云蟹二螯八足非蛇鮓之穴

而無所寄託者用心躁也鄭注梓人云仄行蟹屬陶云蟹類甚多又有螿蟬似螿蟬而大似蟹而小不可食蔡謨初渡江不識螿蟬啖之幾死歎曰讀爾雅不熟爲學者所誤

記二十一 物產 望

今案蔡云讀爾雅不熟者爾雅蝟蟬小者螃郭注兩說一云螺屬一云卽螿蟬似蟹而小古今注螿蟬小蟹也螿蟬可食螿蟬不可食蔡蓋以螿蟬爲螿蟬也

蛤蜊 雍正志 蚌屬 高誘淮南注蛤梨海蚌也明汪機本草會編

云蛤蜊白殼紫唇大二三寸閩浙人以其肉充海錯亦作爲醬醢

安平 增龜易或益之十朋之龜虞翻注謂神靈攝寶文菴山澤水火之龜也廣韻引書云武王悅箕子之對錫十朋今案虞注十龜見爾雅 又增鱖字書無鱖字蓋卽鱖

也廣雅鱖鱖也陸璣疏鱖幽州人謂之鴉鷓王云今通呼鱖子也今案鱖古字鱖今字

廣雅鱖鱖一文疑誤倒

蟲之類 雍正志無饒陽無

蠶 安平有 荀子蠶賦三俯三起事乃大已別錄有原

蠶蛾陶云是重養者蘇頌圖經北方不堪復養惡其損桑周禮禁原蠶淮南子曰原蠶一歲再登非不利也然王法禁之者為其殘桑也今案吾國絲利往時獨行五洲近年外國蠶桑大興線絲織絲皆用機器吾國但用人功又不自整理利入日微蠶又多病蠶病始於蠶子子之病者必有微細黑點人目不能察視應用加六百倍之顯微鏡遍察蠶子乃可一覽瞭然遇有黑點之子則剔除不用蠶病由此可除否則病蠶益多其不病之蠶亦且傳染而病數

記二十一

物產

器

年而後中國蠶利殆必全無甚哉格物之學不可不汲汲求也羣芳譜云桑木將稿蠶食必病然則欲除蠶病又當於養桑時求之

蜂 安平有 說文蠶飛蟲螫人者方言蜂燕趙之間謂

之蠓螭

蝶 安平有 說文蛺蝶也王云蝶與蝶同今案莊子

云昔者莊周夢為胡蝶胡蝶之名甚古不必強解李時珍云俗謂鬚為胡者非是

蟬 安平有 淮南子云蟬無口而鳴卅日而死說文蟬

以旁鳴者陶云蟬類甚多蟪蛄寒蟬啞母蛸螻蝻范陳藏

器云禮注范蜂也陶誤郝云蟬今順天謂之螂螻爾雅之蜚順天人呼咨咨螻蛄今東齊人謂之都盧

蟋蟀 安平有 爾雅蟋蟀蜚郭注今促織也亦名青蛩

陸璣疏幽州人謂之趨織今案莊子螂蛆甘帶高誘淮南注螂且蟋蟀爾雅謂之蜻蛚大腹也上蛇蛇不敢動據高斯言蜻蛚殆是爾雅正文今本作注文蓋有奪誤

螳螂 莊子螳螂怒其臂以當車軼不知不勝任也韓詩外傳云此爲天下勇蟲矣

守宮 方言守宮北燕謂之祝蜒

蜥蜴 安平有 本草石龍子一名守宮一名蜥蜴蘇恭

記二十一

物產

罍

云又名蠍虎今案安平志有蜥蜴無守宮者是也爾雅蝮螭蜥蜴蜥蜴蝮螭守宮也據此則守宮蜥蜴本一物東方言是非宮守卽蜥蜴者乃是射定此物而故通其二名猶云非東方生卽朔耳

蛇 安平有 陶云草間不甚見虺蝮蛇多是赤蠅黃領

輩李時珍云赤蠅紅黑節節相間黃領黃黑相間大者近丈皆不甚毒今案本草諸蛇多出南方北土少見陶云蝮與虺同蘇恭云蝮一名虺無二種愚謂傳云爲虺不推爲蛇將奈何蛇謂蝮也小時名虺長大則爲蝮故爾雅名之蝮虺北史高道穆云復用元顥乃養虺成蛇是其證也王

荆公字說蝮觸之則復其害人也人亦復之故謂之蝮郭璞云蝮蛇惟南方有之然田榮云蝮蛇螫手則斬手螫足則斬足田榮齊人必中原有蝮乃傳此語不僅南方有也

蚯蚓 安平有 廣雅蚯蚓蜿蟺也王云蚯蚓轉為胸腮

十三州志胸腮其地下濕多胸腮蟲因以名焉

蜻蜓 安平有 方言蜻蜓謂之唧蛉郭云六足四翼蟲

也郝云大而青者順天人呼為馬郎

蝙蝠 安平有 方言蝙蝠北燕謂之蠟蠹

蠹 安平有 陸璣疏蠶幽州謂之蠹今案韓公北歸詩

照壁喜見蠹南中元和時尚無蠹也西陽雜俎云開元初

記二十一

物產

異

有主簿以竹筒盛蠹過江後遂有之稱為主簿蟲非其實矣

蜘蛛 安平有 方言鼃螿趙魏之郊謂之鼃鼃或謂之

蠶蚶北燕朝鮮洌水之間謂之蟬蛛

蟬蚶 安平有 莊子蛄蟬之智在於轉丸爾雅蛄蟬蟬

蝮

應省 守宮蜥蜴應省其一

應補 蚰蜒 淮南秦族云昌羊去蚤蝨而人弗席者為其來蚰窮也御覽引高誘注蚰窮幽冀謂之蜻蛚入耳之蟲也方言蚰蜒或謂之入耳趙魏之

間謂之蚰蚴北燕謂之 馬蚘 方言北燕謂之蛆螺司馬彪莊子注商鉅北燕謂之

蚰蚴是蚰窮即蚰蚴 名各不同要其 負螿 詩箋草蟲鳴晚秋之節陸璣疏草蟲一名 蝨斯 陸璣疏幽地有此蟲也 負螿郝云順天人謂之聒聒聒音如哥 蝨斯 州人謂之

春沙雞陸疏幽州人謂之蒲 蚍蜉方言燕謂之蛾蚌郝云今順天人呼為馬燈 蟪蛄陸疏幽州人謂之親客

王蛭蟴郭云即螳螂今河北人呼蛭蟴 螻蛄王云順天人謂之拉古

貨之類安平布 帛類

棉花雍正志白 饒陽有 張勃吳錄交州永昌木棉樹高過屋

實大如盃花中棉軟白可為縕絮及毛布梁書中天竺國

天監初獻吉貝丹丹國中大通二年獻吉貝婆利國普通

三年獻吉貝其國人披吉貝如帔及為都縵又干陁利國

出斑布吉貝南史林邑諸國出吉貝花中如鶯毳抽其緒

紡為布又高昌國有草實如繭中絲為細纒名曰白疊以

為帛甚軟白通鑑梁武帝木棉阜帳史炤釋文云木棉江

記二十一

物產

罍

南多有之春二三月下種至秋結實熟時皮四裂中綻出

如棉以鐵鎚碾去其核以竹為小弓牽絃以彈棉令勻細

卷為筒就車紡之抽緒如縑絲狀織以為布羣芳譜引解

醒語云至元間馬八兒國入貢廿二年遣使至其國得吉

貝衣十襲李時珍云木棉有草木二種交廣木棉似木之

木棉也江淮所種似草之木棉也草種出南番宋末始入

江南今則徧及中州利被天下王象晉云江花出楚絨廿

而得五北花出畿輔山東絨廿而得四浙花絨廿而得七

又一種紫花絨廿而得四或曰北地風高細紡不易今肅

甯之布幾同松江中品聞其鄉多穿地窖深數尺作屋其

上簷高地二尺許作牕通日人居其中就溼地紡績便得
緊細與南土無異海南所織上出細字襍花松布之巧者
有折枝團鳳碁局等製今案張文昌詩蜀客南行過碧溪
木棉花發錦江西是唐時蜀中已有木棉李時珍謂宋末
始入江南者殆考之未審也

棉布

雍正志紡
棉爲之

饒陽布

安平

有

方敏恪棉花圖序云南織有

納文縐積之巧畿輔人弗重也惟以縝密勻細爲貴方志
稱肅甯人家穿地窖就長檐爲牕以織布埒松之中品今
如保定正定冀趙深定諸郡邑所出布多精好何止中品
亦不皆作自窖中也今案方志稱肅甯穿窖織作其說本

記二十一

物產

吳

之王象晉羣芳譜實則深冀諸州郡盡然不僅肅甯也羣
芳譜又云松布桿彈紡織綜綫挈花法皆始於黃媪棉花
圖小序云昔傳元時有黃道婆者自崖州至松江爲織具
教人多巧異所製遂甲他方今松婁間祀之花神祠祈棉
之席也畿輔深冀諸州布利甚饒紡織皆女工近來外國
布來盡奪吾國布利間有織者其紗仍購之外國故利入
益微

繭絲

雍正志
白二色

說文繭蠶衣也今案州西境接於東鹿出絲

往時州人程西疇用買鹽起語人云州西諸村歲買鹽三
百包以醃繭蘆鹽每包重百六十觔卽絲利可知矣

絲絹

雍正志織絲為之

安平絹

說文絹繒如麥稍周官內司服注云

素紗者今之白縛也王懷祖云今世有沙穀者名出於此縛與絹同御覽引何晏九州論云清河縑總房子好絲魏都賦絲纒房子縑總清河廣雅總絹也今案魏晉時清河出絹今則安平專擅絹利安平之絹但任篩底釋名所謂絲緝厚而疏者也近年外國頗喜用之其利漸廣

紬

以下四事雍正志無

饒陽佳

安平有

說文大絲繒也鹽鐵論云繭紬

縑練者昏姻之嘉飾也今案此繭乃纏之假字廣雅蠶紬也類篇繭或作繭作蠶玉篇纏粗細經緯不同者字亦作繭繭繭繭繭纏得通借也繭與紬為二物郝以為即今俗

記二十一

物產

兕

所稱之繭紬非是州舊志及安平皆有紬但不如饒陽佳耳今獨饒陽有之聞止數家能織頗祕其法不傳織難而價貴今外國用機器織紬價直極廉恐饒陽紬利殆絕息也

幌

饒陽有

廣雅幌巾也今案饒陽織帶亦與巾幌同貨

被囊

武強

無

饒陽有

玉篇駝馬上連囊也今案史記

貨殖傳蒼布皮革千石小顏云蒼布麓厚之布故與皮革同量蒼者重厚之見古時以麻紵葛為布無木棉今布皆木棉為之而饒陽獨能為麓厚之布行於塞外為帳幕之用蓋若史所稱之蒼布矣衣被滕囊皆此麓厚之布為之

也

葦箔 饒陽有

廣韻箔簾也通作薄禮帷薄之外不趨

葦箔以葦爲簾也今案史記周勃世家以織薄曲爲生索
隱云織蠶薄也小顏引許慎云葦薄爲曲也彼云葦薄卽
此葦箔矣

蜂蜜

雍正志
花釀成

陳藏器云蜜有木中作者有土中作者北方

地燥多在土中南方地濕多在木中

黃蠟

雍正志
卽蜜房

蘇頌圖經蠟蜜脾底也寇云黃則蠟陳白則

新饒陽副貢常埶璋云寇說非蠟從紅蜜出者爲黃蠟從
白蜜出者爲白蠟白者良

記二十一

物產

五

水膠

雍正志
皮熬成

陶云膠有三種清而薄者畫家用清而厚者

名覆盆膠入藥用濁而黑者不入藥但可膠物耳外台祕
要用水膠一片水漬與當頭開孔貼腫毒蘇頌云方家所
用黃明膠多是牛皮本經阿膠亦用牛皮但今牛皮膠制
作不精止以膠物耳鹿角膠本經謂之白膠處處能作但
鮮有真者李時珍云黃明膠卽水膠牛皮所作甄權以黃
明膠爲鹿角白膠誤矣今案別錄言阿膠煮牛皮作之至
蘇頌乃有烏驢皮得阿井水煎成乃佳之語今阿膠必用
烏驢不復用牛皮則徇蘇頌之說改古法也牛皮膠爲水
膠用以膠物處處有也

靛雍正志舊惟大小藍槐藍葉似槐近年始傳其種今案雍正志一仍康熙舊志所云近年乃康熙時

陶云藍實卽今染

縹碧所用者以尖葉者爲勝鄭樵通志藍三種蓼藍染綠大藍如芥染碧槐藍如槐染青三藍皆可作澱色勝母故曰青出於藍而青於藍李時珍云澱石殿也其滓澄殿在下也亦作淀俗作靛澱乃藍與石灰作成王象晉云藍染草也大藍葉如蒿苣而肥厚微白小藍莖赤葉綠而小槐藍葉如槐葉皆可作靛

紅花雍正志染色已見前藥類紅藍花崔豹古今注燕支中國

人謂之紅藍

火鹽雍正志土汁煎成

記二十一

物產

至

燒酒雍正志赤棗赤梁醞釀而成饒陽酒李時珍云燒酒非古法元時始

創今案本草綱目載諸酒無棗酒余嘗至安平民家飲棗

酒甚清冽

菊酒雍正志九月釀李時珍云用甘菊花煎汁同麴米釀酒

豆醬雍正志鹽豆釀成饒陽醬陶云醬多以豆作純麥者少

米醋雍正志酒糟合米釀成陶云俗呼苦酒

焰硝雍正志藥所需本草綱目引崔昉外丹本草云硝石非石類

乃鹹鹵煎成今呼焰硝此與朴硝小異今案本草分朴消

消石李時珍謂朴消爲皮消消石爲焰消

朴硝雍正志鹹土入水所生已見藥類李時珍云凡牛馬諸皮需此治

熟故俗有皮硝之稱

脂麻油 雍正志 味香 饒陽油

陶云生榨者且若蒸炒者止可供

食及然燈不入藥用寇云炒熟乘熱壓出油謂之生油但可點照須再煎鍊乃為熟油始可食然不中點照亦一異也

菜油 雍正志 宜烹飪 李時珍云薑薑服虔通俗文謂之胡菜即今

油菜為其子可榨油也油菜微似白茶冬春採薑以為茹三月開小黃花結莢收子亦如芥子灰赤色炒過榨油黃色然燈甚明食之不及脂麻油近人因有油利種者亦廣

棉油 羣芳譜云木棉結實如桃桃裂而絨見子如珠可

記二十一

物產

至

榨油油之滓可糞田

烟葉 雍正志前此未有 國朝始傳其種 李肱枕蚓菴璣語烟葉出自閩中關外

人至以馬匹易烟崇禎癸未下禁令民私種烟草者問徒尋令犯者斬不久遂停是禁子兒時尚不識烟為何物崇禎末三尺童子莫不嗜之風俗頓改王阮亭分甘餘話韓慕廬宗伯嗜烟余考姚旅露書烟草產呂宋本名淡巴巴以告宗伯宗伯乃命其門人賦淡巴巴菰歌今案劉才甫云烟草來自外國明萬曆時始有

飴餠 雍正志蜜餠 熬煎而成 陶云方家用飴餠乃膠飴皆是溼餠如厚

蜜者

菜豆粉

雍正志豆麩
澄清取之

李時珍云菜豆北人用之甚廣磨為麩

澄濾取粉可以作餅蒸饊盪皮壓索為食中要物

白麻

雍正志
即縹麻饒陽麻

藥性論麻花白麻是也青麻淋湯濯

淤血蘇頌云麻子處處種之績其皮以為布農家擇其子

之有斑黑文者謂之雌麻種之則結子繁他子則不然也

李時珍云苧麻今之白麻也多生卑溼處人亦種之葉大

似桐北人取皮作麻

青麻

雍正志有子曰菓無
子曰苴其實一種

羣芳譜大麻一名火麻一名好麻雄

者名牡麻雌者名苴麻苧麻其皮績之可為布其稽可為

燭心其子炒黑可壓油今案晉令曰上黨平陽輸上麻廿

記二十一

物產

三

二筋下麻卅六筋李孝廉吉林云青麻今謂字麻可為繩

索有力白麻今謂蒞麻無力但中為錢縉耳然則青麻為

上麻白麻為下麻也

茜草

雍正志
染絳

已見藥類茜根

雍正志

有麻油云與棉油皆用膏車兼備然燭今案此即青麻子所壓油也

應增花生

說見
前序

昔之人觀方物息耗知一時政俗史公貨殖孟堅地志皆

是也方二三百里地畫為四城官號令不相通流民罕出

鄉井風教既異水土百物又多寡參錯則習尚殊焉溪州

田畜事蠶兼果布之利無甚貧甚富之民民椎魯畏法不

事商賈頗詣窳無積聚獨南郭李氏以農田起富守其法數世不敗俗尙耕牧馬牛驢羸以時市易而磨頭爲一都會其贏入月計抵冀之一州歲計焉武強地瘠人貧物力稍絀民往往畫古今人物刻板襍印五色紙入市鬻售悅婦孺其事至鄙淺然頗行遠遠至山西太原而小範潁淦水北賈天津南達邢磁洺綰轂津要賀氏居近小範頗收其委輸以此富蓋一縣俗好文飾邑小官不足於財號難治其納賦紳輕民重州所產無遠物獨饒陽以蒼布安平以絹皆行一二千里二縣以此多賈而饒陽特著往往用賈起富千名常氏其選也常氏稍衰而張岡劉氏官廳李氏

記二十一

物產

畜

城坊田氏韓氏繼興皆安坐里閭而塞外東三省內外蒙古持一紙書數千里齎銀幣來取布銀幣陸行輻湊於北鄙尹村尹村雖在郊野其殷阜十倍城郭量其富小範不及也俗襍齊趙民輕俠喜田獵其黠者稍狙詐趣利安平故以絹利著聞絹行歐美矣近則外國遠商入市馬尾牛豬毛毛物四面至而縣城要其衝商賈人以毛絹故不窮農田被虐它廿餘年故家多敗而弓氏以儉約世守家法家以不失故民俗樸易怒好鬪然畏官官在他邑不能其職到安平輒得賢吏聲凡州及三縣風尙大較如此若乃市井情游不事生產丈夫相隨博飲歲時徵優伶歌舞聚

會娛樂婦人惑溺輪迴果報徧入寺觀禮佛求福田則州縣同弊焉凡風俗推遷時升時降類非農工商賈所能爲也轉移之任必歸之文儒儒道盛則蒸蒸日上新儒衰則不及其故州舊志稱明成弘以前俗厚善後而寢薄饒陽安平皆云自萬厯始壞此儒道盛衰之辨也近輯明以來金石見州境自明世鼎興逮國朝雍乾之際名人代出文學甚盛乾隆以降百餘年間人文乃不及前時論者每謂舉業敗壞人才明興至今五百餘年盡舉業世宙也何前後懸絕至如此間獨以謂雍乾以前才儒之士尙能博極羣書以資益其文近百年來士知舉業不足爲遂相從爲

記二十一

物產

五

考證之學以耳目見聞爲事而不復致力於文辭下州僻縣漸劇餘烈不能其見聞之長而適得其不文之短此不獨一方然也而溪州特甚汝綸初爲州時獨武強賀氏聚書書多宋元舊本自餘閩一州數百里求一廿四史不能得其樸陋如此近則饒陽常氏頗蓄書有力之家亦皆購經史皮几上駸駸嚮儒術矣而武強賀刑部濤篤學嗜古不慕聲利遂以能古文成名於世後進響轅聞風慕效爲文章皆有師法而安平閭檢討志廉亦有能詩聲此皆百年以來所未嘗有文者天地之精華也昔班氏條郡國風俗於蜀獨紀司馬相如王褒嚴遵揚雄之徒於吳楚獨紀

屈原宋玉唐勒旁逮鄒枚以來爲楚詞諸公蓋文士勃興則山川煥發顓蒙啟而文明開非特倡導一州縣風氣已也世變日甚儒之業未可以一國囿今歐美新學深微要眇兵農工賈無一不出于學校日本得之而強中國尙闕焉閔達之士有能掣討名物深造方外專門之業乎不獨儒道盛也將見農學日新工賈益精進土物四馳市易流轉五洲貨殖皆可交通會萃而操其贏縮何一州一縣之足云是又數百萬橫目之民所翹足而待命者矣

增錄舊志四禮及節序事儀

四禮據雍正志其節序事儀據安平志增注雍正州志

冠 士民家自十五六至廿餘歲擇日加帽其醮宴諸

記二十一

物產

羹

儀久廢

今案此尙是明禮 國朝并不加帽愚嘗謂今人父母生日上壽觴客未必遜於古人冠子之禮此不可以榮古虐今之見論也議者多謂上壽非古而譏之似未達觀於古今之變也

昏 締親多在孩提時完娶則自十五以上至廿聘禮

納幣豐約稱家奠鴈以鶩或雞代前期女家送粧奩陳

於婿室娶之日兩家婚友送蒸食以餽女

今案州俗締結往往男女不相

稱良由阿母多欲蚤得子婦以自助而男女不相得弊由此起宜有以變革之

喪 初喪時懸紙錢於門有棺卽殯大斂小斂惟紳士

家舉行成服不計日便卽服之衰絰多不如禮惟戒葷

酒歡粥寢苦塊葬無定期大要數月而葬不甚拘堪輿

家說

今案饒陽志頗病喪戲以爲陋風今州屬喪戲漸少惟出殯奢靡耗損家產大半有欲節約者村人輒劫持之以爲不孝此誠惡習

祭 士民多無祠堂歲時伏臘或設主或懸畫象具牲醴果殺祭拜

正旦日 祀神祀先畢賀尊長戚里更相拜數日乃已 立春

日 觀迎春貼宜春字茹春餅四時寶鏡云唐立春日春餅生菜號春盤今猶其遺俗

元宵名上元節 張燈放花稱觴歡飲夜不為禁 十六日 男婦郊

遊散百病焚香縷結羊腸卜一歲休咎遊寺廟是日母氏迎女歸室 廿五日 填倉以甕灰團團形中撒五穀

以磚石壓之曰填倉 下旬士人學農試耕 二月二日 引龍以灰圍宅謂之

引龍云辟百蟲是日具鯉魚饋新嫁之女 春分 釀酒拌醋 三月三日 挈榼

郊遊謂之踏青 寒食 掃墓架鞦韆放紙鳶 清明

插柳祈蠶今案安平志云上聖姑廟乃安平事他處無 穀雨 禁蠍書禁蠍符黏壁上以辟毒螫

記二十一

四月八日 浴佛 五月五日名端午節 食角黍飲苜蓿

雄黃酒貼門符懸艾絲縷繫臂歲時記端午以艾為虎形或剪絲為虎黏艾葉戴之以解毒氣

六月六日 曬衣儲水嘗醬 七月七夕 婦女陳瓜

果乞巧安平志無依雍正志補 雍正志引歲時記云有蟾子網於瓜果上則以為得巧又引開元遺事宮人陳瓜果酒饌祈於牛女以蜘蛛納小金

盒中至晚開視蛛絲疏密以為得巧之多寡 十五日名中元節 祀先懸麻穀取麻穀供於門亦祭墓

八月十五日名中秋節 供瓜餅拜月又於月下備殺核羣飲 九月九日名重陽節 祭墓燒

登高泛萸釀菊酒用棗合麩蒸糕謂之花糕 十月一日名下元節 祭墓燒

寒衣用紙剪衣焚化謂之送寒衣 冬至 暖爐出獵士夫亦有交賀者 十二月八

日 食臘八粥是日以諸米豆雜果核作粥名臘八粥亦間有施粥濟貧者 廿三日 掃舍

祀竈備錫饅焚香楮祀竈 除夕 易門神桃符修歲事陳祭儀守歲

是日行嫁娶禮百無忌併汛掃堂室懸葫蘆麻助於門燒辟瘟丹山海經云海中有
巨山山有桃木下有二神曰神荼鬱壘今之門神乃其遺像又神異經西方山中有
異人犯之卽病人以竹赴火中灼灼有聲則驚
遯今人以紙裹硝黃代之故亦名爲爆竹云

記二十一

物產

奏

